

保嬰全書

十八

特別
 79
 83
 18



門武 9
第 8 3
卷 1 8



保嬰全書卷十八

明太醫院院使薛己著

不靨悶亂哽氣腹脹之症

陳文宿先生云痘瘡十一日至十二日當靨
不靨身熱悶亂不寧卧則哽氣腹脹泄瀉寒
戰咬牙急用異功散加木香當歸以救陰陽
表裏助其收靨竊謂前症若手足並冷屬脾
胃虛寒宜用十二味異功散手足微冷屬脾

保嬰全書卷十八

美

胃虛弱宜用五味異功散加木香若手足熱
大便秘屬脾胃實熱宜用清涼飲救其陰以
抑其陽

一小兒痘寒戰咬牙瀉渴腹脹手足冷時伸
夏飲沸湯口不知熱先君謂脾氣虛寒用十
二味異功散一劑頓安又用五味異功散調
補而愈再用參芪四聖散而痊

一小兒痘不結痂發熱飲湯哽氣腹脹此脾
氣虛弱用五味異功散參芪四聖散而愈後
噫氣下氣欲服枳殼之類余謂噫氣屬心火
虛下氣屬脾氣虛朝用六君子湯加薑桂夕
用補中益氣湯而愈

一小兒哽氣喘咳腹脹下氣手足不冷不熱
此脾虛不能攝氣而腹脹下氣肺虛不能攝
氣而哽氣喘咳用五味異功散加升麻而愈
一小兒痘將愈足冷哽氣腹痛手冷至臂唇

青面白屬脾胃虛寒也用五味異功散加附
子二劑足稍溫又用六君薑桂二劑諸症漸
退乃去薑桂服之而痊

一小兒痘不結痂作渴飲冷大便秘結此腸
胃有熱也先用清涼飲末一錢大便和而頓
靨又用人參麥門冬散八珍湯而痊

一小兒痘不結痂用補中益氣湯地黃丸料
煎服而愈次年畢姻後寒熱作渴頭暈脈洪
數按之微細此脾腎虛火上炎也以前藥各
加肉桂五分引火歸經而愈

一小兒痘不靨發熱因乳母有肝火用加味
逍遙散人參白朮散母子俱服而熱止又用
柴胡麥門冬散而痊

一小兒十五歲久而結痂寒熱往來脈洪數
按之無力用十全大補湯而痊後因勞寒熱
復發用補中益氣湯而安

六君子湯治脾氣虛弱或因尅伐之劑虧損中氣飲食少思或痘瘡不起發灌漿結痂

人參 白朮炒 茯苓

陳皮炒 半夏湯洗 甘草炒各等分

右三五錢薑棗水煎徐徐服

四君子湯即六君子湯去陳皮半夏

四順清涼飲王海藏先生云痘疹膿貫而不焦者由治失清涼之法內外熱毒無以收

斂辟如五穀得陽氣而成熟得陰氣而結

實用清涼飲子下之方見大便不通

十二味異功散方見頂陷灰白

人參麥門冬散方見發熱口渴

柴胡麥門冬散方見作痒搔破

加味道遙散方見欲靨不靨

補中益氣湯

五味異功散二方見寒戰咬牙

參芪四聖散

十全大補湯

二方見腹脹氣促

人參白朮散

即七味白朮散

地黃丸

二方見發熱屬陰陽

兩目生翳痕黯凹凸之症

陳文宿先生云痘瘡十二日至十三日瘡痂漸落其痕猶黯或凹或凸肌肉尚嫩不可澡洗并忌五辛煎燻之物恐熱毒上薰肝膈眼

生瘡翳或有是患用穀精草散治之竊謂前症目為肝之竅或肝經風熱或肝經血虛或肝經熱毒或肝經風熱相搏或肝疳內熱或乳母肝經有熱或食膏粱厚味故多犯其目若失於早治多成癘疾

一小兒出痘兩眼不開先君謂肝經有熱用消毒化斑湯母子服之而愈

一小兒兩目不開先君謂肝經熱毒先用柴

胡麥門冬散又用四物湯加山梔而愈

一小兒痘瘡目赤腫痛此肝火為患用柴胡麥門冬散穀精散而愈

一小兒痘將靨目不開脉浮而無力右關按之緩弱此脾氣虛耳用補中益氣湯加蔓荊子二劑去蔓荊子又數劑而愈後每勞役目中作脹不能開合朝用補中益氣湯夕用五味異功散而愈

一小兒眼痛不開屬肝經風熱用柴胡麥門冬散犀角地黄湯加柴胡各一劑開而見赤翳迷漫仍用前藥加穀精草而愈

一小兒出痘目閉二十餘日用清肝解毒之藥兩目雖開其睛已傷此失於早治也

一小兒目中出痘作痛肝脉弦洪有力先用小柴胡加龍膽草生地黃一劑而痛稍止乃用四物柴胡山梔一劑痛全止再用加味道

佛醫金鑑卷之八
六一
遙散蟬菊散而愈

一小兒目中出痘肝脉弦數此木火相搏用四物山梔牡丹皮柴胡二劑再用加味逍遙散二劑肝脉平和又用四物牡丹皮而靨但目有青翳用蛇蛻散三味穀精草散而痊

一小兒素食膏粱目中出痘作痛口渴大便堅實左右關洪數有力弦長此形病脉俱實先用柴胡梔子散瀉黃散各一服又用柴胡

梔子散柴胡麥門冬散而痊

一痘兒眼不開肝脉數按之有力用柴胡梔子散子母服之眼漸開又因母勞怒仍閉用加味逍遙散而愈後復閉用柴胡麥門冬散而痊

一小兒目中生翳診其肝腎痺症用九味蘆薈丸六味地黄丸及粉丹散翳漸退又用柴胡麥門冬散而痊

羊肝散治痘毒入眼或無辜痒入目

密蒙花

青箱子

决明子

車前子

右為末用密蒙花末三錢餘藥各一錢以羊肝一葉薄批摻上濕用紙裹煨熟空心食之

蛇蛻散治痘毒母目翳

蛇蛻

二枚或為七小

瓜蒞仁

五錢研爛

右為末用羊肝一片批開入末二錢用線

紮緊米泔煮熟頻與兒食外用粉丹散

三味穀精草散治痘疹翳膜遮睛瘴腫子

穀精草

一兩

蛤粉

黑豆

各二兩

右為末用雄猪肝一片竹刀批開摻藥在內以麻線縛定砂罐內水煮熟令兒食之
蟬菊散治班痘入眼或病後生翳障

蟬蛻

洗

白菊花

各等分

右每服一錢水煎入蜜少許量兒服

二味穀精草散治痘瘡已靨目翳膜障瞳神
隱澁淚出久而不退

穀精草

一兩

生蛤粉

二兩

右為末用獾猪肝一葉竹刀批片子摻藥
在內以綿扎入砂器內水煮令兒熟食之

粉丹散

即吹耳丹

治眼生翳膜

輕粉

黃丹

右為末竹筒吹耳內左眼有翳吹右耳右
患吹左耳即退

通神散治班瘡入目內生翳障

白菊花

菘荳末

生用

穀精草

各等分

右為末每服一錢乾柿一箇米泔水一盞
煮乾末不拘時但食柿餅五七次至七日
可見効

黃栢膏治痘瘡初出就塗面則痘瘡不生於

面目用之若遲雖出亦稀

黃栢一兩

菘荳

甘草

各四兩
生用

右為細末清油調如膏從耳前眼唇面並塗之日三五度

羊肝丸治痘瘡入目不能開

羯羊肝

一具
生用黃蓮炒為末

右先將羊肝去筋膜於石器內搗爛入黃連末丸如桐子大每服二三十丸食後茶

清送下

蟬蛻散治斑疹入目半年已過者一月取效

蟬蛻一兩

猪懸蹄甲

二兩
瓦罐內用
鹽泥封燒存性

右二味為末入羚羊角末五錢每服五分

白湯調下

九味蘆薈丸治肝經積熱面目生翳耳中出水大便不調肢體消瘦等症方見痔瘡症

小柴胡湯

方見斑症

柴胡麥門冬散

方見作痒搔破

四物湯

方見痘瘡出遲

六味地黄丸

方見痘瘡發熱屬陰屬陽

瀉黃散

方見靨後發熱咽痛

消毒化斑湯

即消毒救苦湯
方見夾疹痘

加味逍遙散

方見欲靨不靨

柴胡梔子散

即柴胡清肝散
方見作痒搔破

補中益氣湯

五味異功散

二方見寒戰咬牙
一名小異功散

靨後發熱咽痛不利之症 三

陳文宿先生云痘瘡收靨之後渾身壯熱經日不除別無他症用柴胡麥門冬散如不退服人參白朮散若風熱咳嗽咽喉不利用桔梗甘草防風湯竊謂前症有因熱毒未解者有因胃氣虛熱者有因胃氣實熱者其因不能枚舉當臨症制宜而藥之

一小兒咽痛壯熱痘痕色赤手微熱此餘毒未散用柴胡麥門冬散而安七日之後復熱手指初捏似熱久捏則冷此脾氣虛也用五味異功散而痊

一小兒痘咽痛大便不實口渴飲湯手足不熱此脾胃虛弱也用人參白朮散而大便實但不時寒熱用加味道遙散而愈

一小兒痘咽痛發熱作渴面赤飲冷此胃經實熱也用射干鼠粘子湯而愈因食厚味復發手足並熱用瀉黃散一劑而痊

一小兒痘咽痛發熱飲冷大便黃色手足指熱此脾胃實熱也用瀉黃清胃二散各一劑而愈後因乳母食厚味兒口角流涎不能吮乳仍用前藥治母而愈

一小兒痘咽痛足熱余謂此稟足三陰虛而無根之火上炎也古人有云痘歸腎經必不

可救當用壯水之劑亦有生者柰彼不悟翌日果腰痛咽啞始信余言乃用大劑地黄丸料加五味子并補中益氣湯而愈

一男子出痘上體甚熱兩足俱冷喉痛作渴瘡亦不起發此稟腎經虛熱也以六味地黄丸料煎與恣飲漸愈又用八珍湯而痊

一小兒面色素白出痘咽痛發熱面赤作渴飲湯手足指冷此稟足三陰虛也用大劑加

減八味丸料煎與恣飲又以益氣湯助其脾胃以滋化源痛止熱退而愈

射干鼠粘子湯治痘疹咽喉作痛及痘疹後

癰疽瘡毒

鼠粘子

即牛蒡子

甘草

升麻

射干

各二錢

右水煎量服之

瀉黃散治脾胃實熱患瘡口渴飲冷

藿香葉七葉

石膏煨五錢

甘草三錢

防風

山梔仁炒各一兩

右為末每二錢水煎入蜜少許嬰兒乳母服之

六味地黄丸

方見痘瘡發熱屬陰屬陽

清胃散

方見痘不結痂

八珍湯

方見頂陷灰白

人參白朮散

即七味白朮散方見痘瘡發熱屬陰屬陽

紫胡麥門冬散

方見作痒搔破

加減八味丸

即六味丸加五味子肉桂

加味逍遙散

方見欲靨不靨

五味異功散

補中益氣湯

二方見寒戰咬牙

頂陷心煩狂躁氣喘之症四

陳文宿先生云痘紫色頂陷心煩狂躁氣喘妄語或如見鬼神內熱便秘者宜用龍腦膏

子猪尾膏如無內熱大便不實不可輕服竊
謂前症多因初起熱盛之時失於解利所致
亦有因痘毒未盡有因胃經有熱有因肺胃
有熱有因心脾有熱煩躁痘裂出血便血衄
血屎黑痕赤詳見各症大凡作渴發熱手足
指冷或大便秘結者內有熱也切不可禁其
飲水觀張子和述水中兒事良可驗矣蓋熱
極故得水而生也

一小兒痘疹狂喘熱渴飲冷痰涎不利先君
用十六味清膈飲犀角地黄湯而痊

一小兒痘紫發熱小便不利手足發熱此肺
經有熱用人參清肺飲小便隨利又用犀角
地黄湯而靨

一小兒痘紫作渴手足並熱余謂胃經有熱
用竹葉石膏湯一劑諸症頓退而愈用人參
白朮散而痊

一小兒痘紫作痛其頂欲陷發熱飲冷作渴
痰喘小便秘結此肺胃有熱用十六味清膈
散一劑諸症頓減又用葛根麥門冬散一劑
而愈

一小兒出痘發狂作渴飲冷此上焦熱熾也
用黃連解毒湯芹苳汁而止又用紫草快班
湯將靨因間藥餌三日色黑倒靨用紫草散
渴止又用人參白朮散而痊

一小兒出痘喘咳面赤其脉洪數右寸脉尤
甚此心火尅肺金用人參平肺散以清心肺
再用地黃丸以壯腎水喘嗽頓止

一小兒痘將愈喘躁作渴面赤此稟足三陰
虛也用地黃丸料數劑諸症稍可又佐以益
氣湯諸症漸愈後因沐浴出汗仍喘咳煩躁
面赤脉洪大按之如無此汗多亡陽也用當
歸補血湯而愈畢姻後喘咳音啞用地黃丸

益氣湯各百餘劑得遠幃幙而生

一小兒痘愈後時發狂兼喘發過面色黃白
手足並冷此脾胃虛弱也余用補中八珍二
湯各三十餘劑或云當先降火邪而後補元
氣乃服芩連朴硝之類汗吐不止而歿
十六味清膈散治涕唾稠粘喘嗽痰盛身熱
鼻乾大便如常小便黃赤

人參

柴胡

當歸

芍藥

知母

桑白皮

白朮

黃芪

紫苑

地骨皮

茯苓

甘草

桔梗

黃芩

炒半兩

石膏

煨

滑石

右每服三錢薑水煎量兒服之

葛根麥門冬湯治痘疹胃經熱甚頭疼悶煩
或痘後餘毒

麥門冬

乾葛

人參

赤芍藥

升麻

茯苓各二分

右膏末

五分甘草二分

右水煎服

犀角地黄湯治鬱熱不解氣血湧為衄血或流入胃脘而吐血或餘血停滯面色痿黃大便色黑

犀角

生地黄

白芍藥

牡丹皮

各一錢

右水煎乳母同服

人參平肺散治心火剋肺金傳為癰痿咳嗽喘嘔痰涎壅盛胸膈痞滿咽嗑不利

人參

陳皮

甘草

地骨皮

茯苓

知母

五味子

炒一錢

青皮

四分

天門冬

去心四分

桑白皮

右水煎徐徐服

竹葉石膏湯治痘瘡胃中煩悶小便赤澁口

乾作渴兼有赤斑又宜服犀角散

方見泄瀉咬牙

龍腦膏子治時氣踈痘瘡及赤疹子未透心煩狂躁氣喘妄語或見鬼神或已發而陷伏宜速治否則毒入臟必死

生龍腦

右研細滴雄猪心血丸菴葶夫每服一丸

心煩狂躁紫草湯下瘡陷伏溫酒化下一方加辰砂五分尤妙服後少時心神清爽得睡瘡疹發透

猪尾膏治痘瘡黑陷倒靨

用小猪尾尖刺血兩三點入腦子少許辰砂末一錢同研膏以木香湯化下

紫草快班湯治痘疹下血不止不能發出血氣不足色不紅活等症

即紫草湯

紫草

人參

白朮

茯苓

當歸

川芎

芍藥

木通

甘草

糯米

右每服二錢水煎

人參清肺散

方見痘喘

八珍湯

方見頂陷灰白瀉渴

黃連解毒湯

方見癰症

地黃丸

即六味地黃丸

人參白朮散

即七味白朮散
一方見發熱屬陰陽

補中益氣湯

當歸補血湯

二方見寒戰咬牙

作痒抓破膿水淋漓之症

五

陳文宿先生云痘瘡作痒抓破成瘡膿水淋漓者由血氣衰肌肉虛也宜用木香散加丁香肉桂及敗草散切忌用牛糞灰竊謂前症

皆因血氣虛弱所致預為調護使血氣和平
庶無此患又必察其外症色白者用四君之
類色赤者用四物之類若因鹹味宜用蟬蛻
散之類

一小兒口乾作渴脉浮而數此血氣虛而有
熱也用參芪四聖散加蟬蛻而痒止用托裡
散加蟬蛻而膿貫又用托裡散將靨忽發熱
作渴而痒此血虛也用八珍湯當歸補血湯
而愈

一小兒痘赤作痒脉弦按之則數此乃肝火
血燥生風先用柴胡麥門冬散加蟬蛻而痒
止又用托裡散而痂脫後仍痒痕白用八珍
湯倍加參芪而愈

一小兒痘瘡作痒色赤心肝二脉數而弦此
風熱相搏而血熱也用四物黃連柴胡丹皮
而痒止用八珍湯當歸補血湯而瘡愈

一 小兒痘後作痒夜甚不寐此脾經氣血俱
虛用四君歸芪數劑而止後傷食作瀉復痒
不寐仍用前藥及五味異功散而愈

一 小兒痘瘡愈後身痒膿水淋漓內熱口乾
用四君歸芪及補中益氣湯并六味地黃丸
而愈

一 小兒痘痕作痒服祛風藥遍身皆痒膿水
淋漓口噤發搐面色皎白此氣血俱虛余用
大補湯參芪四聖散而愈

一 小兒痘瘡已愈而犯色慾遍身作痒瘡痕
赤色氣息淹淹脉洪數無力左尺為甚先用
大補湯內用人參五錢數劑形氣稍復佐以
大劑加料八味丸料又五十餘劑而痊

一 小兒痘將靨身痒脉浮數按之無力此真
氣不能榮於腠理用補中益氣湯漸愈因功
課勞心自汗用六一湯而愈後煩躁面赤自

汗如雨用當歸補血十全大補二湯而愈
一小兒汗出如雨手足發熱作渴飲冷右關
洪數有力此胃經實熱也用清胃散一劑頓
退因食膏粱復痒發熱飲冷用瀉黃散末一
錢渴止又用白朮散去木香而痊

一女子歷後身痒脉浮大此脾肺氣虛也朝
用補中益氣湯夕用黃芪六一湯而愈經行
復痒發熱用加味逍遙八珍湯而痊

一男子痘愈而入房身痒昏憤脉大而無倫
次按之如無用獨參湯十五劑而甦又大補
湯二十餘劑脉歛又二十餘劑脉微細而畏
寒此火歸經又五十餘劑而痊

一婦人痘方愈因勞發痒服消風散口噤流
涎余謂曰此因元氣復傷不信仍服前藥更
四肢發搐余用十全大補加味道遙而愈
一小兒痘愈後作痒服消風散四肢發搐口

禁流涎余謂脾土虧損而肝木所尅果歿
一小兒痘膿未滿面赤作痒余謂氣血虛而
有熱欲行溫補不信乃服清熱之藥而歿
柴胡麥門冬散治肝膽經有熱靨後不解

柴胡

麥門冬

各一錢 人參

玄參

龍膽草

各五分 甘草炒

右水煎量兒大小服

參芪四聖散治痘瘡不能長滿生膿或色白

作痒

方見腹脹氣促

五味異功散治稟賦元氣虛弱肌肉消薄榮
衛短促而患瘡瘍不能消散或脾肺氣虛
不能生肌收口大凡諸症因脾氣虛而不
能愈者皆宜服之調補元氣則自愈矣

寒戰
咬牙

黃芪六一湯治瘡瘍後氣虛作渴愈後復渴

尤宜服之

黃芪灸六錢 甘草灸一錢

右水煎服

柴胡梔子散治肝膽經有熱瘡毒不愈或發熱不止

柴胡 山梔 牡丹皮各一錢

川芎 芍藥 茯苓各七分

白朮炒 甘草各五分 當歸切

牛蒡子炒各七分

右水煎母子同服

十全大補湯

獨參湯

參芪四聖散治痘瘡不起不能長滿生膿或

作痒三方見腹脹氣促

補中益氣湯治痘瘡中氣虛弱或因剋伐以

致身痒惡寒發熱煩渴體倦飲食少思或

不能結痂作痒者

本草綱目卷之八

益

當歸補血湯 二方見寒戰咬牙

加味道遙散 方見欲靨不靨

四君子湯 方見不靨悶亂

六味地黄丸 方見痘瘡發熱屬陰陽

四物湯 方見痘瘡出遲

托裡散 方見痘癰

八珍湯 即四君四物二方相合

瀉黃散 方見靨後發熱咽痛

加減八味丸 即六味加用五味子肉桂

清胃散 方見痘癰

風邪搏於肌肉患痒蝕之症 六

陳文宿先生云痘疹已靨未愈之間五臟未實肌肉尚虛血氣未定忽被風邪搏於肌肉膚腠之間則津液澁滯故成痒蝕瘡也宜用雄黃散綿繭散治之久而不愈則潰蝕筋骨以致殺人竊謂雄黃散清肝殺虫解毒綿繭

散治膿水淋漓皆治外之良方內無餘毒者
宜用此法若因肝脾疢火上炎或食甘肥而
胃火內動或手足陽明經蘊熱或腎經虛熱
各有不同皆元氣不足病氣有餘乘虛而發
也燉痛作腫用仙方活命飲大蕪荑湯疢熱
為患用大蕪荑湯四味肥兒丸腎經虛熱用
地黃丸臨症制宜分五臟相勝審乳母之氣
何如扶助胃氣為善

一女子患疢症因浴執湯發熱如炙體強如
痊此腠理間泄邪熱乘虛而內作用十全大
補湯一劑頓安同時亦有患此症不用補劑
者甚至不救

一小兒痘後遍身津滯作痒此兼因疢為患
用大蕪荑湯及蟾蜍丸而愈後作渴口中作
痛用蟾蜍丸人中白散而安

一小兒痘後毒蝕腮余謂肝脾有熱助疢而

患也用大蕪荑湯大蘆薈丸為主以五味異
功散為佐月餘漸愈却以五味異功散佐以
大蕪荑湯而痊

一小兒臀間痘毒蝕爛恪敷雄黃散益甚余
謂兼肝脾疳也先用大蕪荑湯活命飲各二
劑又用九味蘆薈丸為主以五味異功散為
佐月餘諸症漸愈

一小兒患前症發熱作渴兩足晡熱余謂稟
腎經陰虛不信悞服清熱敗毒而歿

一小兒痘出甚密先四肢患毒膿潰而愈後
口患疳延蝕牙齦余先用大蕪荑湯活命飲
各一劑又用蟾蜍丸人中白散而安

一小兒痘毒蝕陷敷雄黃散服加味解毒散
而愈

一小兒臉患之作痛用仙方活命飲又敷雄
黃散大蕪荑湯而愈

韶粉散治痘瘡毒氣未散瘡痂雖落其痂猶
黯或凹或凸此藥塗之

韶粉

一兩

輕粉

一兩

右煉猪脂油拌勻如膏塗之如痘痂欲落
不落當用後方

羊髓骨髓

右入輕粉研成膏塗之如痘痒搔成瘡及
痘痂欲落不落用上守白蜜塗之其痂自

落亦無癍痕神効

雄黃散治痘毒牙齦生疳蝕瘡

雄黃

一錢

銅綠

二錢

右研細量瘡大小乾摻

綿繭散治痘毒蝕瘡膿水不絕

出蛾綿繭

不拘多少

右用生礬末碎貫繭內以炭灰燒礬汁乾
取出為末乾貼

九味蘆薈丸治痘毒成疔齒蝕爛齦或透頰
顛或肝脾疳熱結核耳內生瘡兩目生翳
耳中出水或小便出津拘中結核或大便
不調肢體消瘦等症

胡黃連

宜黃連

炒

蘆薈

木香

白蕪荑

炒

青皮

白雷丸

鶴虱

各一兩

麝香

三錢

右各另為末糊丸麻子大每服半錢空心

米湯下仍量兒用之

大蕪荑湯

一名梳子
茯苓湯

治痘毒上攻口齒成疔

發熱作渴大便不調髮黃脫落面黑便青
鼻下生瘡乳食嘔吐等症

山梔仁

黃栢

甘草

炙各二分

大蕪荑

五分

黃連

麻黃根

一分

羌活

二分

柴胡

三分

防風

一分

白朮

茯苓

各五分

當歸

四分

右水煎服

導赤散

生地黃

木通

甘草

各等分

右為末每服一錢淡竹葉水煎

敗草散治痘瘡搗搔成瘡膿血淋漓用屋爛草或蓋墻爛茅年遠者佳如無曠野生者尤佳為末搽之如遍身患者須多搽鋪席上令兒坐臥其瘡即愈

丹粉散治痘毒膿水淋漓

輕粉

黃丹

各一錢

黃連末

三錢

右研勻搽患處

立効散治一切胎毒瘡疥及風疹痛

大黃

黃栢

山梔

寒水石

煨各等分

右為末用清油燭調搽若破而膿水淋漓用當歸膏

大楓膏治一切瘡疥

大楓子肉

研膏黃連各二兩

真輕粉

枯礬

蛇床子

各一兩六兩

右各另為末入大楓膏和勻更入柏油杵

百餘即成膏矣每用少許塗患處

加味小柴胡湯

方見斑疹

加味道遙散

方見欬醫不月

人參平肺散

犀角地黄湯

二方見頂陷心煩

柴胡梔子散

方見作痒抓破

三黃散

方見班爛

八珍散

方見頂陷灰白

地黃丸

方見發熱屬陰陽

十全大補湯

方見腹脹氣促

補中益氣湯

當歸補血湯

五味異功散

竹葉石膏湯

四方見泄瀉咬牙

四味肥兒丸

加味解毒散

人中白散

東垣消毒救苦湯

四方見夾疹痘

蟾蜍丸

清胃散

仙方活命飲

三方見痘癰

癩症

七

陳文宿先生云癩疹之症俗言疹子是肺胃有熱或時氣所作發於皮膚遍體狀如蚊蚤所咬凡色赤者十生一死色黑者十無一生錢氏云癩症初發類似傷寒發熱五六日或七八日而出或乍涼乍熱或咳嗽泄瀉不食面赤眼光如水生眵或噴嚏痰涎或熱渴乾

嘔或大便急而小便澁余竊謂前症若身熱
煩渴者用升麻湯自汗煩渴者化癍湯煩渴
熱瀉白虎蒼朮湯熱盛譫語導赤散咳嗽不
已生地黃散吐血衄血或大小便血犀角湯
喉間作痛甘桔防風湯咽喉腫痛玄參升麻
湯乍涼乍熱小柴胡湯喘嗽不已柴胡五味
子湯小便不利柴苓湯熱盛乾嘔解毒湯停
食嘔吐或腹脹作瀉平胃散大便不通加枳
實飲食已消或仍作嘔四君子湯大便秘或
喘滿者先用前胡枳殼湯下之乃用春澤湯
瘡後熱毒不除葛根黃連湯餘毒成瘡射干
鼠粘子湯消毒飲又有夾痘而出者其勢最
速乃血乘其勢而為患也如大便硬用清涼
飲少許下之癍退四君歸芪固其元氣肢體
疼痛用活命飲一服殺其毒氣仍用托裡散
治之

一小兒七日不消頭痛發熱防其內陷此表邪未解用葛根麥門冬湯一劑頓解再劑而痊

一小兒惡寒發熱頭痛拘急先用人參羌活散一劑外邪頓散又用五味異功散而安

一小兒月餘不消增寒壯熱頭痛拘急此表邪未解也用人參敗毒散一劑而表邪退再用惺惺散而痊

一儒者年踰二旬患前症煩渴飲冷用竹葉石膏湯化癍湯各一劑熱渴頓愈用快斑湯痘瘡頓起用八珍湯而痊

一產婦患此乃風熱所致用惺惺散而風熱散用六味活血湯而瘡起發用八珍湯而痊
一小兒患此鼻塞聲重發熱身痒用人參消風散而表症愈後發熱搔破膿水淋漓脉浮大按之無力此脾胃氣虛不能榮於腠理朝

用補中益氣湯夕用黃芪六一湯而愈後因感冒服表散之劑煩躁發熱面目俱赤脉大而虛用當歸補血湯而痊

一小兒發熱作渴二便秘澀用大連翹飲二便隨通但嘔吐痰涎腹痛不食此邪氣去而真氣復傷也用五味異功散而痊

惺惺散治風熱時氣瘡疹頭疼壯熱目澀多睡咳嗽喘麓

桔梗

真細辛

人參

甘草

白茯苓

川芎

白朮

各五分

薄荷

右水一盞薑三片煎服

黃連解毒湯治疹毒吐血乾嘔

黃連

黃柏

黃芩

梔子

各三錢
二字

右水煎量大小服

柴胡五味子湯治癩疹喘嗽即小柴胡湯內加五味子

小柴胡湯治癩疹乍涼乍熱似瘧喘嗽

柴胡錢三 人參 黃芩各二錢

半夏一錢二字 甘草一錢

右生薑三片水一盞煎至六分溫服

柴芩湯治痘疹小便不利

柴胡 黃芩 猪苓

澤瀉 茯苓 白朮各一錢五分

右薑水煎量大小服

人參消風散治癩疹等症

人參錢三 荆芥穗 甘草炙

陳皮各五分 白僵蠶 茯苓

防風 芫蕪 藿香

蟬蛻各三錢 厚朴薑製三錢 羌活二錢

右每服一錢水煎服

人參敗毒散治癩疹發熱惡寒咳嗽等症

人參

茯苓

川芎

羌活

獨活

前胡

柴胡

枳殼麩皮炒

桔梗

甘草

炒各五分

右每服二三錢水煎

生地黄散治痘疹煩熱咳嗽

生地黄

麥門冬

各一錢半杏仁

陳皮

各一錢

甘草

五分

右水煎服忌酒醋鹽酸之物

白虎蒼朮湯治痘疹癰症

玄參升麻湯

化癰湯

三方見水痘麻痘

升麻葛根湯

方見後

乾葛麥門冬湯

犀角湯

二方見頂陷心狂

快癰湯

方見頂陷心煩

六味活血散

活命飲 二方見痘癰

大連翹飲

春澤湯

人參羌活散

葛根黃連湯 四方見夾疹痘

五味異功散

當歸補血湯

補中益氣湯 三方見寒戰咬牙

黃芪六一湯 方見作痒抓破

竹葉石膏湯 方見泄瀉咬牙

射干鼠粘子湯 方見靨後發熱

甘桔防風湯 方見痘寒戰

前胡枳殼湯 方見痘涕唾稠粘

四君子湯 方見不靨悶亂

四順清涼飲 方見大便不通

水痘麻疹

八

陳文宿先生云水痘之症身熱二三日而止或咳嗽面赤眼光如水或噴嚏咳嗽稠粘與痘不同易出易靨不能為害湯民望先生云麻疹乃天行時氣熱積於胃胃主肌肉故發於遍身狀如蚊子所啣色赤者十生一死色黑者十死一生此症亦與癩症不同其癩症如錦紋而但空缺處如雲路之狀麻症乃遍身而無空處但以疎密之不同耳麻痘漸出咳嗽煩悶嘔逆清水眼赤咽喉口舌生瘡用黃連杏仁湯若催出而成斑爛如錦紋或膿水腥臭心胃咳悶嘔吐清水不時身熱用黃芩知母湯初起發熱疑似之間可服升麻湯然麻症始終宜用麻黃湯表之痘症表與下皆不可大抵發熱煩渴用升麻葛根湯發熱咳嗽人參麥門冬湯發熱煩躁小便不利大

連翹飲冬寒腠理閉塞葛根橘皮湯

一小兒患之發熱作渴遍身作痛大小便乾澁此熱毒鬱滯於內用葛根麥門冬湯一劑頓安又用解毒湯而愈

一小兒患此身痛發熱煩躁此風邪搏於表也用玄參升麻湯諸症頓解但倦怠發搐此脾虛為肝所侮也用和肝補脾湯而安

一小兒患此腹痛煩渴面赤咳嗽痰涎用升麻湯一劑遍身如錦用化癍湯一劑而安又用人參麥門冬散而愈

一小兒疹隱於肉裡而不現煩渴躁熱衄血吐血或便血用解毒湯犀角湯各一劑而血止又用導赤散而愈

一小兒患此寒熱乾嘔先用小柴胡湯加生地黃而寒熱止用解毒湯而發用生料四物湯而全愈

一 小兒患此五日不消發熱煩躁右關脉洪
數而有力此胃經實熱先用化癍湯一劑又
用參滑散而愈

三豆飲治天行痘瘡始覺即服之多者必少
少者不出

小赤豆 黑豆 菘豆 各一百粒

甘草節 五錢

右水煮熟任食之七日自不發

參滑散治水痘

地骨皮 麻黃 去節一分 人參

滑石 大黃 煨一分 知母

羌活 甜葶藶 炒一分 甘草 炙半

右為末每服半錢水一小盞小麥七粒煎
數沸每服三五匙不可多服

按前方發表散邪疎通內熱之峻劑若遍
身作痛壯熱煩躁作渴飲冷大便秘結小

便澁滯喘嗽等症宜用此方然水痘多屬
表邪或發熱引飲小便赤澁者當用升麻
葛根湯如無他症不必用藥
和肝補脾湯治風熱瘡疹脾土不及肝木太
過

人參

陳皮

川芎

各五分

白木

茯苓

芍藥

各七分

柴胡

甘草

炙各三分

山梔

炒四分

右作二劑水煎服

白虎蒼朮湯

石膏

四錢

蒼朮

一錢五分

知母

一錢

甘草

五分

粳米

一撮

右水煎服

黃連杏仁湯治麻痘漸出咳嗽煩悶嘔逆清

水眼赤咽喉口舌生瘡作瀉

黃連

一兩

陳皮

杏仁

去皮尖
麩炒

麻黃去節 枳殼炒 葛根各五錢

右每服二錢作瀉者加厚朴甘草

黃芩知母湯治麻症癰爛隱疹如錦紋或膿

腥臭心胸閉悶嘔吐清水溫壯不時

葛根 知母洗 黃芩

麻黃去節 陳皮 杏仁去皮尖

甘草各等分

右每服二錢若不嘔逆去陳皮加芍藥如

吐則用之

升麻葛乾湯治瘡疹初起發熱咳嗽似傷寒

未辯麻疹

白芍藥 川升麻 甘草

乾葛各等分

右水煎每服三錢

化癍湯治癍疹渴熱最良

人參 知母各一錢 甘草五分

石膏末 四錢

右加粳米一撮水煎量服之

葛根橘皮湯治發癍煩悶嘔吐清汁兼治麻痘等症

葛根 陳皮 杏仁 去皮尖

麻黃 去節 知母 炒 甘草

黃芩 各半兩

右每服二三錢水煎

玄參升麻湯治癍疹已發未發或身如錦紋甚則語言煩躁喉閉腫痛

玄參 升麻 甘草 炙各等分

右每二三錢水煎服

烏梅丸

烏梅 三十箇酒浸肉研爛 細辛

附子 炮 乾薑 各一兩 黃連 一兩

當歸 蜀椒 各四兩

右為末烏梅肉與米飯和丸桐子大每服
數丸白湯下

羗活散

即人參敗毒散
加天麻地骨皮

葛根麥門冬湯

方見頂陷心煩

解毒湯

小柴胡湯

二方見斑症

四物湯

方見斑痘出遲

犀角湯

方見頂陷心狂

升麻葛根湯

方見痘寒戰

人參麥門冬湯

一名麥門冬散
方見發熱口渴

大連翹飲

方見死疹痘

導赤散

方見疔蝕之症

痘瘡生癰毒治之症

九

陳文宿先生云痘疹首尾不宜與水喫若悞
與之瘡靨之後其痂遲落或生癰腫鍼之而
成疔蝕以致難愈蓋脾胃外主肌肉飲水過

多濕損脾胃搏於肌膚則津液衰少氣血不能周流凝結不散故瘡痂遲落而身生癰腫也張潔古先生云癰腫發於身前手陽明經也發於四肢足陽明經也丹溪先生云痘癰多是餘毒血熱所致當分上下用藥而以涼血為主大便燥實加大黃如不應當分經絡所屬血氣虛實其膿成否竊謂前症初起未成膿者用活命飲隔蒜灸治而消之欲成膿

者用活命飲解而潰之氣血虛者八珍湯實而潰之虛而不能斂者托裡散補而斂之大凡發熱腫痛大便不結用仙方活命飲及隔蒜灸法大便秘結用仙方活命飲加大黃大便已通腫痛未退再用活命飲一服用托裡散補其元氣若發熱倦怠大便調和用補中益氣湯未應亦用隔蒜灸若潰而發熱口乾肢體倦怠用東垣聖愈湯膿水淋漓不時發

熱用四君參芪若因乳母肝經血虛發熱用
加味小柴胡湯肝脾鬱怒發熱用加味歸脾
湯膏粱厚味積熱用加味清胃散如專與涼
血用敗毒等藥復傷元氣必致成者不能潰
潰者不能斂矣

一小兒腿內側患之痛甚作渴大便不通小
腹作脹此表裡俱有毒未盡用活命飲加硝
黃一服諸症頓退却去硝黃再劑而痊

一小兒左脇近腹患之甚痛惡寒發熱肢體
亦痛此餘毒兼外邪也用活命飲加麻黃一
服外邪悉退瘡毒亦減仍用前劑去麻黃及
聖愈湯而痊

一小兒赤腫作痛內服外敷皆寒涼之藥用
活命飲一服痛頓止而腫未消此涼藥血凝
而然也用六味活血散及隔蒜灸而痊
一小兒痘出甚密先四肢患腫余謂脾經熱

毒用活命飲之類而愈後患口疳流涎牙齦
蝕傷用大蕪荑湯活命飲各二劑却用蟾蜍
丸搽人中白散而愈

一小兒臂患腫痛色赤此欲作膿也用托裡
消毒散二劑而膿成又二劑而膿潰用托裡
散將愈而發熱惡寒用十全大補湯而愈

一小兒兩腿臂膝俱腫不能舉動而痛用黃
豆末熱水調敷服活命飲而消

一小兒痘毒潰而腫不消煩躁作渴小便如
茶屢數尋空此肝脾虛熱也用八珍湯加減
八味丸料各二劑而安又用大補湯而愈
一小兒痘毒腿膝腫此脾腎虛而毒流注也
用如聖餅及活命飲四劑腫痛頓減再用益
氣湯地黃丸而痊

一小兒腿膝腫潰膿水不止晡熱體倦先
謂元氣復傷陰虛所致用補陰八珍湯地黃

九而愈

一小兒痘毒敷寒涼藥內潰不愈清膿甚多此元氣虛也朝用益氣湯夕用八珍湯各五十餘劑佐以豆豉餅而愈

一小兒腮患毒用活命飲腫痛已作癰體甚弱此邪氣去而元氣虛也用聖愈湯元氣少復用托裡散而痊

一小兒左耳下連項赤腫作痛此少陽膽經火症用梔子清肝湯治其母用活命飲治其子而痊後復作悞服敗毒散潰而不斂瘡口色白余用托裡散而痊

一小兒出痘七日寒熱作渴兩脇及臂外患痘行此屬膽經也挑出黑血以小柴胡湯加生地黄一劑熱渴頓止又用活命飲而痊
一小兒患此面腫肉色如故脉浮而大按之微細余謂此元氣虛而邪從之也當補元氣

為善不信反服犀角丸化毒丸而歿

立効隔蒜灸法治痘癰大痛或麻木痛者灸至不痛不痛者灸至痛其毒隨火散用大蒜頭切三分厚安上用小艾炷於蒜上灸之每五壯易蒜再灸痛不止尤宜多多灸小兒須將蒜切片着肉一面畧剜小空灼艾燃蒜先置大人臂上試其冷熱得宜然後着瘡一又別灼如前法試之以待相易勿

令歇

仙方活命飲治痘疔痘毒及一切瘡毒未成即消已成即潰此消毒敗膿止痛之聖藥

金銀花

陳皮

各三錢

皂角刺

炒

川山甲

蛤粉同炒

乳香

沒藥

白芷

防風

當歸

各一錢

貝母

天花粉

甘草節

各七分

右每服五錢酒煎嬰兒母同服為末酒調

服亦可若勢甚而邪在表者加麻黃散之
而毒在內者加大黃下之當臨症制宜此
解回生起死之劑但元氣脫者不治
六味活血散治癰疽瘡痛初起紅腫不散

當歸

川芎

赤芍藥

生地黄

紅花

蘇木

各等分

右水煎量服之

托裡散治痘毒元氣虛弱不能潰散未成用

之自消已成用之自潰

人參

黃芪

炒各二錢

當歸

酒洗

白朮

陳皮

熟地黄

茯苓

芍藥

炒各一錢五分

甘草

炙五分

右三五錢水煎服

托裡消毒散治痘毒氣血虛弱不起發腐潰
收斂或發寒熱肌肉不生

人參

黃芪

當歸

酒洗

川芎

芍藥

炒

白朮

陳皮

茯苓

各一錢

金銀花

連翹

白芷

各七分

甘草

五分

右每服三五錢水煎

東垣聖愈湯治膿潰心煩無寐體倦少食

熟地黃

自製者佳

生地黃

各二分

人參

川芎

各五分

當歸

黃芪

各五分

右水煎服

濟生歸脾湯治脾血虛損健忘驚悸或心氣

虛不能攝血歸源以致妄行或吐血下血

或因乳母心脾二經有熱瘡不結痂或瘡

痕赤色加柴胡山梔即加味歸脾湯

人參

白朮

黃芪

白茯苓

龍眼肉

當歸

遠志

酸棗仁

各炒二錢

木香

一錢

甘草

五分

當歸身

一錢

右薑棗水煎母子同服

東垣清胃散治胃經有熱齒牙作痛或飲冷作渴口舌生瘡或唇口腫痛焮連頭面或重舌馬牙吐舌流涎若因服剋伐之劑脾胃虛熱口舌生瘡或弄舌流涎或嘔吐困睡大便不實者用五味異功散

升麻

五分

生地黄

四分

黃連

牡丹皮

各三分

當歸稍

四分

右水煎服嬰兒母亦服

替針丸治痘癰膿已成不潰

陳壞米

一錢

硃砂

五錢

雄雀糞

四牛丸粒

真雄雀糞直者是也

右為末米粥丸如麥粒大每用一粒粘瘡頭上以膏藥貼之半晌其膿自出若瘡頭透而膿不出或出而愈痛或發熱血氣虛也用托裡散或作嘔吐痰食少體倦脾氣

虛也用六君子湯

神效太乙膏治一切瘡疽潰爛

玄參

白芷

當歸

肉桂

赤芍藥

大黃

生地黄

各一兩

右咬咀用麻油四十兩入銅鍋內煎至藥

黑攄去渣徐入淨黃丹一斤再煎滴水成

珠捻軟硬得中即成膏矣

功當歸膏治痘毒津淫或湯火等症及瘡

腐不能生肌收斂者

當歸

黃蠟

生地黄

各一兩

麻油

六兩

先將當歸地黄入油煎去粗入蠟溶化候

溫攪勻即成膏矣

豆豉餅治瘡瘍腫痛或硬而不潰及潰而不

斂并一切頑瘡毒癰用江西豆豉為末唾

津和成餅大如銅錢厚如三四錢置患處以艾鋪餅上灸之未成者即消已成者祛逐餘毒間有不効者乃氣血虛敗之症叅疔瘡論灸法用之

神功散治瘡瘍初起腫痛者用之可消加血竭更効

黃栢

炒為末
二錢

草烏

生為末
二兩

右用漱口水調敷常以漱口水潤之

飛龍奪命丹治痘疔痘毒痘癰或麻木嘔吐

重者昏憤咬牙

真蟾酥

乾者
酒化

輕粉

各一
錢

枯白礬

寒水石

銅綠

乳香

沒藥

麝香

各二
錢

朱砂

六
錢

蝸牛

四十二箇另
研如無亦可

右各為末入蟾酥蝸牛或加酒少許糊丸菜豆大每服一丸温酒或葱湯送下重者

外用隔蒜法灸甚者多多灸或着肉灸

五福化毒丹治痘毒實熱腫痛

生地黄

熟地黄

天門冬

去心

麥門冬

去心

玄參

各二兩

甘草

甜硝

各三兩

青黛

一兩五錢

右為末蜜丸艾實大每服一丸白湯化下

犀角消毒丸治痘疹餘毒一切瘡毒

生地黄

荆芥

當歸

犀角

屑

防風

牛蒡子

炒

赤芍藥

連翹

桔梗

各七錢

薄荷

黃芩

甘草

右為末蜜丸艾實大每服一丸白湯化下

按化毒丹降火涼血解毒寒中之劑消毒

丸清熱解毒破血之劑蓋小兒臟腑脆嫩

元氣易傷况痘後氣血皆虛豈能勝當此

劑若胃氣一傷則未成者不能消散已成

者不能腐潰已潰者不能生肌殊不知痘瘡乃臟腑所發遍身之血皆化為膿况此方愈而患此乃脾胃虛怯肌肉消弱榮衛短瀼所致治者審之

蟾蜍丸

蟾蜍

一枚夏月溝渠中腹大不跳不鳴身多癩癩者

右取糞蛆一杓置桶中以尿浸之桶上要乾不令蟲走出却將蟾蜍撲死投蛆中食

一晝夜以布袋盛置浸急流水中一宿取

出瓦上焙為末入麝一字粳米飯丸麻子

大每服二十九米飲下

八珍湯

方見頂陷灰白

小柴胡湯

方見疰症加生地黃山梔即加味小柴胡湯

梔子清肝散

即柴胡梔子散方見作痒搔破

十全大補湯

方見腹脹氣喘

當歸補血湯

補中益氣湯

二方見寒戰咬牙

六味地黄丸

加五味子肉桂名加減八味丸

四君子湯

方見痘不靨悶亂

加味逍遙散

方見欲靨不靨

加味歸脾湯

方見痘疔

加味清胃飲

方見痘不結痂

大蘆薈丸

方見風邪搏於肌膚

人中白散

如聖餅

補陰八珍湯

三方見夾疹痘

痘疔^十

痘疔又謂之賊痘或三五枚或五七枚間雜于諸痘之間其色紫黯作痛不寧以致諸症蜂起不能貫膿甚至不救乃熱毒勢甚併結也用仙方活命飲如二便秘澁量加大黃遍身拘急加麻黃外必用線針挑破出黑血或

吮出毒血以泄其毒餘痘纔得貫膿否則其
毒無從而解必致不起如未應急用隔蒜灸
若毒氣盛者或不知痛者不用蒜隔就着肉
灼艾灸之若灸後瘡頭紅腫發焮用針挑破
出毒血灼艾尤好雖此法未出方書予屢用
屢驗者世多用至寶丹之類亦不可恃

一小兒有疔二枚諸痘焮赤作痒而不貫先
君以針挑破隔蒜灸至五十八疔而貫又十
餘壯而痛止用活命飲末二錢熱酒調服出
紫血又二服疔毒悉退痘漿悉貫更用犀角
消毒散而愈

一小兒患痘疔挑出毒血服活命飲而痘愈
但疔處或痒或痛用活命飲隔蒜灸而愈用
參芪四聖散而靨

一小兒痘內有疔數枚雖挑出毒血餘毒不
解先君用仙方活命飲一劑徐徐灌之毒解

漿貫而愈

一小兒患痘疔遍身焮如丹毒內紫色者三枚用活命飲隔蒜灸其勢漸退又用活命飲末二錢漿漸貫更用四聖散犀角消毒散而愈

一小兒出痘第七日寒熱作渴兩脇及臂外側膽經各患痘疔先用針挑出黑血乃用小柴胡湯加生地黄一劑熱渴頓止又用活命

飲一劑而痊

一小兒出痘稠密痛甚色赤翌日變黑索水飲之神思稍清先用活命飲末冷酒調服三錢痛雖稍緩其痘如指色赤腫高又用奪命丹一粒腫痛十減六七又用活命飲末一服溫酒調又得減三四再服而漿貫却用四聖散而痊

犀角消毒散治癍疹丹毒發熱痛痒及瘡疹

等症

牛蒡子

甘草

荆芥

防風各五分

犀角鎊二分

金銀花三分

右水煎熱入犀角傾出服

仙方活命飲

飛龍奪命丹

隔蒜灸法三方見痘癰

四聖散方見腹脹氣促

小柴胡湯方見癍症

夾疹痘十一

夫疹乃風邪外患痘為胎毒內發二症並作臟腑俱病也二者相雜赤暈發焮痘瘡愈盛誤謂痘出太密多不可救然此乃疹夾痘也當治以人參薏活散疹毒即解痘勢亦退其元氣虧損不能結痂當補脾胃為急也人參薏活散治時氣痘疹兼於發表

人參

羌活

獨活

柴胡

前胡

桔梗

茯苓

枳殼

川芎

天麻

甘草

地骨皮各三分

右入薄荷五葉薑水煎服

東垣消毒救苦湯治癰疹悉自消化使令不出已出稀者再不生癰十一月立此方隨四時加減通造化明藥性者能之

麻黃根

羌活

防風

升麻各五分

柴胡

川芎

藁本

葛根

酒黃芩

生地黄各二分

細辛

生黃芩

黃連

酒黃柏

紅花少許

蘇木

當歸身

吳茱萸半錢

白朮

蒼朮

生甘草一分

橘皮

連翹

半分初出減出太盛者加之

右每五錢水煎熱服

人中白散

人中白

煨一兩

黃栢

炒黑三錢

右為末搽口內

如聖餅治一切瘡瘍硬腫不能消散或毒不能解散

乳香

沒藥

木香

血竭

當歸

等分

麝香

少許

右各另為末酒糊和為餅灸熱頻熨患處

惡瘡加蟾酥等分

四味肥兒丸

一名小肥兒丸

治食積脾疳目生雲翳

口舌生瘡牙齦腐爛發熱瘦怯遍身生瘡等症或痘後患之

黃連

炒

蕉莢

炒

神麩

炒

麥芽

炒等分

右為末水糊丸桐子大每服二三十丸空

心白湯下

加味解毒散治癩疹痒痛寒熱甚者煩躁譫語并痘毒發熱咽乾

犀角 錢五

連翹 錢二

牛蒡子 錢二

薄荷 錢一

甘草 錢五

右為末每服一二錢滾湯調下

補陰八珍湯 即八珍湯加黃柏知母炒黑

葛根黃連湯治疹後身熱不除

葛根 錢五

黃連 錢三

黃芩 錢二

甘草 錢一分五分

右水煎服

獨參湯 人參一兩薑棗同煎

春澤湯

人參

白朮

茯苓

澤瀉

猪苓

右水煎服

大連翹飲

連翹

黃芩

瞿麥

木通

滑石

柴胡

防風

荊芥

赤芍藥

甘草

蟬蛻


山梔

右每服三四錢水煎服

保嬰普濟

黃連

黃芩



卷十六